



# publikoa aI do!



Euria behetik gora  
lurretik zeruraino  
goian haurrak, umeak  
behean amets ta laino  
Ba al da ederragorik  
herri eskola baino?

Gazta berde purpurak  
arroxak belardiak  
artzain replikanteak  
koloretako ardiak  
Ordiziko plazara  
publikotik jalgiak

Bakoitzak bere pozak  
bakoitzak bere minak  
janariak, ohiturak  
amets ta imajinak  
baina euripe hontan  
denok gara berdinak

Guztion artekoa  
guztiontzat egina  
xirimiri gozoa  
euskara euri fina  
bagara esaten dugu  
hau ja ez da bagina!



Publikoa aI do! Publikoa aI do!  
Publikoa aI do! ai ei

Publikoa aI do! Publikoa aI do!  
Publikoa aI do! ai ei

Publikoa aI do! Publikoa aI do!  
Publikoa aI do! ai ei o

Euskal Herri berdea  
gorri, beltza, horia  
publikoa ta euskalduna  
biharko Euskal Herria

Mundu guztiko jende  
ta euri zaparrak  
pentsamendu, erlijio  
guztien kazkabarrak  
edonor blai dezake  
gure euri langarrak!

*Iragarpenek Publikoa ematen dute  
hurrengo egunetarako.  
Gorde beldurren aterkiak  
eta irten kalera!  
Zabaldu leiho guztiak  
eta utzi publikoaren  
haize freskoari sartzen!  
Guztiontzat da  
eta guztiontzat dago!*

*Euskararen tenperaturak  
gora egingo du Ordizian  
eta Euskal Herri osora  
hedatuko da.  
Goiz goizetik familia estrato  
guztiak izango ditugu!  
Eta adi! Aniztasunaren eta  
inklusioren antizikloia  
nagusi izango dugu  
datozen urteotan!*

Publikoa aI do! Publikoa aI do!  
Publikoa aI do! ai ei

